



ურთიერთთანამშრომლობის მემორანდუმი

სსიპ - ბათუმის ხელოვნების სახელმწიფო უნივერსიტეტსა და

ა(ა)იპ აჭარის ხალხური ხელოვნების სკოლას შორის

ქ. ბათუმი

24 დეკემბერი, 2025 წელი

პრეამბულა

ერთი მხრივ, სსიპ - ბათუმის ხელოვნების სახელმწიფო უნივერსიტეტი (შემდგომში „უნივერსიტეტი“), წარმოდგენილი რექტორის, მამუკა ალაფიშვილისა და მეორე მხრივ, ა(ა)იპ აჭარის ხალხური ხელოვნების სკოლა (შემდგომში „ხელოვნების სკოლა“), წარმოდგენილი დირექტორის, ვახტანგ ბერიძის სახით, ორივე ერთად „მხარეებად“ წოდებული, ეყრდნობიან რა თანამშრომლობისა და ურთიერთპატივისცემის პრინციპებს, საგანმანათლებლო პროგრამებში სწავლებისა და პრაქტიკის ინტეგრირების, გამოცდილების გაზიარების, ერთობლივი პროექტების შემუშავებისა და განხორციელების მიზნით, თანხმდებიან თანამშრომლობაზე რომ:

ურთიერთთანამშრომლობით ხელს შეუწყობენ:

- ხელოვნებისა და კულტურის პოპულარიზაციას;
- ხელოვნებისა და კულტურის სფეროში ცოდნისა და გამოცდილების გაზიარებას;
- შემოქმედებითი მუშაობისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- ერთობლივი შემოქმედებითი პროექტების მომზადებასა და განხორციელებას;
- სტუდენტთა, მოსწავლეთა და მსმენელთა შემოქმედებითი პოტენციალის გამოვლენასა და განვითარებას;
- ცალკეული მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას.

მუხლი 1

- 1.1. მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით.
- 1.2. მხარეები წინასწარი შეთანხმების საფუძველზე გამოიყენებენ ერთმანეთის მატერიალურ-ტექნიკურ და ინტელექტუალურ რესურსს მემორანდუმის მიზნების მისაღწევად.

1.3. მხარეები თანხმდებიან, რომ ერთმანეთს გაუწევენ კონსულტაციებს, უზრუნველყოფენ ერთობლივი სასწავლო-შემოქმედებითი ღონისძიებების, მათ შორის სემინარების, მასტერკლასების, ფესტივალების, კონცერტების, გამოფენების, თეატრალური წარმოდგენების, შემოქმედებითი საღამოებისა და სხვა სასწავლო-სახელოვნებო პროექტების დაგეგმვა-განხორციელებას.

1.4. მხარეები უფლებამოსილი არიან როგორც ერთობლივად განახორციელონ, ისე ჩაერთონ და მონაწილეობა მიიღონ თითოეული მხარის მიერ ორგანიზებულ კულტურულ-შემოქმედებით ღონისძიებებში.

1.5. მხარეები ურთიერთშეთანხმებით მონაწილეობას მიიღებენ საგანმანათლებლო პროგრამების შემუშავების პროცესში (ინფორმაციის გაცვლა, მეთოდური დახმარება და სხვა.) პროგრამების პრაქტიკასთან დაახლოებისა და კომპეტენციების ჩამოყალიბების მიზნით.

1.6. მხარეები უზრუნველყოფენ ერთობლივ პროექტებსა და ღონისძიებებში უნივერსიტეტის სტუდენტთა და ხელოვნების სკოლის მოსწავლეთა/მსმენელთა ჩართულობას.

1.7. ხელოვნების სკოლა საკუთარი შესაძლებლობების ფარგლებში უზრუნველყოფს უნივერსიტეტის სტუდენტთა პრაქტიკის გავლას.

1.8 უნივერსიტეტი პრაქტიკის დაგეგმვის დროს გაითვალისწინებს:

ა) პრაქტიკის ობიექტში სტუდენტთა ოდენობა არაუმეტეს ათისა ერთი სემესტრის განმავლობაში;

ბ) პრაქტიკის ხანგრძლივობა არ უნდა აღემატებოდეს სასწავლო კურსით დადგენილ ვადას;

გ) პრაქტიკის მიზანია სასწავლო პროცესში მიღებული თეორიული ცოდნის განმტკიცება, ახალი კომპეტენციებისა და პრაქტიკული უნარ-ჩვევების გამომუშავება;

დ) პრაქტიკის კონკრეტული ვადები განისაზღვრება მხარეებს შორის მოლაპარაკებით უნივერსიტეტის შესაბამისი წერილობითი მიმართვის საფუძველზე.

1.9. უნივერსიტეტი და ხელოვნების სკოლა თავისი უფლებამოსილებისა და შესაძლებლობის ფარგლებში მონაწილეობას მიიღებენ უნივერსიტეტისა და ხელოვნების სკოლის მისიის, განვითარების სტრატეგიული და სამოქმედო გეგმების შემუშავების, შრომის ბაზრისა და სხვა კვლევების პროცესში.

მუხლი 2

2.1. წინამდებარე მემორანდუმში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით.

2.2. მხარეთა შორის ურთიერთობათა სპეციფიკა, რომელიც არ არის განსაზღვრული მემორანდუმში, რეგულირდება ორმხრივი შეთანხმებით.

2.3. მხარეები აძლევენ ერთმანეთს გარანტიას, რომ ისინი კეთილსინდისიერად შეასრულებენ წინამდებარე მემორანდუმით გათვალისწინებულ პირობებს.

მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციებისა და ორმხრივი მოლაპარაკებების გზით.
- 3.2. მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3 მემორანდუმი შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

სსიპ - ბათუმის ხელოვნების სახელმწიფო
უნივერსიტეტი

საიდენტიფიკაციო კოდი: 245628496

მის.: ქ.ბათუმი 6000, ზ.გორგილამის/ ვაჟა-ფშაველას

№19/32 ტელ.: +995 (0) 422 27 98 95

ელ.ფოსტა: info@batu.edu.ge

ა(ა)იპ აჭარის ხალხური ხელოვნების
სკოლა

საიდენტიფიკაციო კოდი: 445391736

მის.: ქ. ბათუმი 6000, ტაბიძის №11

ტელ.: +995 591 06 07 67

ელ.ფოსტა: adjaraschooloffolkart@gmail.com

რექტორი, ასოცირებული პროფესორი
მამუკა ალაფიშვილი



დირექტორი
ვახტანგ ბერიძე

